

Западн районла әдлцтн

1957-ч джилин март сарин д болсн Хальмг таньгъчин негдгч сессий, Хальмг таньгъчин цуг районмудиг, балгъсиг, селәдиг олн зүсн мод тәрдж кеерүлхмн гидж шиидвр гаргъв.

Тер негдгч сессийин шиидвр күүцәхин кергт, цуг мана районмуд дөрлддж, ик гидгәр шундж кәдлдж йовцхана. Районмудар кедж йовх кәдлмшиг эн апрель сарин нег шинд авад хәләхлә иим. Западн район 50 гектар газрт темснә модд тәрдж. Түүнәс талдан 50 гектар газрт суулгъх модан олдж авад, нүкдинь малтад бел кечкидж. Эн 100 гектар газрт тәрх модинь мана таньгъчин селәнә эдл-ахун гардгч управлень олдж эс өгсн бийнь, Западн район бийнь Невиномысск гидг селәнәс авч ирдж тәрджәнә.

Западн райог дахлцдж бас Сарпинск район 18000 кәкрүлгч мод суулгъчкидж, дакад 13530 мод суулгъх нүкинь малткксн, ода эклдж суулгъджана.

Наадк райодмудар эн кәдлмш сәәнәр кегддж йовхмн уга. Целинн районд мод суулгъх 5000 нүк малткксн, суулгъдг модн уга болджана. Мана таньгъчин селәнә эдл-ахун гардгч управлень эн төрт оньган өгч бәәхмн уга. Цаг өнүгрүлл уга, суулгъх модд эрк биш олдж авх кергтә. Эндәс хоосн амарн хәәкрәд келчк-сәр, модд эврән ургъш угаг медх кергтә. Районмуд бас бийснь, эндәс тәрх модд илгәх гигәд күләгәд сул уга, Западн районас үлгүр авч, цагин сәәг өнүгрүлл уга суулгъх модд эврә эв-аргъарн хәәдж олцхах зөвтә.

Өмн келсн үг хөбнән герч гидг биший. Тиигхлә, өмнь, таньгъчин негдгч сессий дееркенәвдн, күүцәнәвдн гисн үгтн бийстгн герч болдж, чирәгьитн улалгъдимн болвгзо? Яшкуль, Уст, Каспийск, Черноземельск болн Приютненск райод, түүгән санн бәәтн! Э. КЭМБ.